

魏叔子文集

○○○王氏三恭人傳

明錦衣衛僉事王世德有妻曰徐氏繼室曰魏氏曰蕭氏皆賢作三恭人傳

徐恭人錦衣衛鎮撫文燦女也性端凝寡言笑事舅姑以孝聞僉事常病失血恭人侍藥不解帶者五年崇禎間天下多故僉事念國事將不可爲世受大恩無以報欲痛哭陳言召總兵官周遇吉黃得功拜大將軍掌京營事藩王要害地當變祖宗成法授以兵柄而堂上官貪恣屬吏不得越次言事僉事獨居鬱

鬱益不治家。凡細大皆恭人主之初。恭人生子潔有奇兆。一日撫潔變色曰。吾殆將死矣。常夢此子長與案齊。我當死而僉事亦夢再娶婦。容貌歷歷可記。因相與歛歔。未幾病卒。繼室以魏氏。

魏恭人者甲申李自成陷北京投井死。世稱烈婦。魏夫人者也。本南昌人。隨叔父光祿寺卿士章在京師。好學識大義。歸僉事相敬禮如賓。常課潔夜讀書。僉事指恭人謂潔曰。阿母故是我夢中人也。李自成圍京師。急僉事召家人曰。吾義當死。若等自爲計。恭人

曰噫吾志決矣僉事遂馳馬出巡北城而恭人匿徐
恭人所生女他處抱已女及率長姪女媵婢十七人
環第中并立久之家奴徐成走報曰賊入矣恭人仰
天大哭擲懷中女於井家人以次下哭聲撼牆屋恭
人乃整衣振袂右手持長姪女踴起呼天投井死五
日徐成至縋而上顏色如生第中賊皆感動藁葬井
傍榆樹下

初僉事既喪徐恭人蕭御史淳之子鼎欲妻以女未
果而沒國變後僉事私念吾所以不死將身守此兒

女爲耶。欲舍去，無所依倚。而鼎之子，自父志，以其妹來歸。由是僉事數往來。盧龍上谷間，蕭恭人善治家，撫前子女如已出。故僉事無內顧心。已生子源，益南游，交天下奇士，僑江淮間六年，不歸家。貧內外多難，恭人獨支吾。旣舅氏護恭人南下，會僉事于山陽，曰：「妾力竭矣。幸女將嫁，長子已成立，獨恨不及見夫子。」得志也。家人皆泣下，然頗怪其言。後一年果卒，潔之幼也。恭人酷愛之，而督甚嚴，有戚姥私謂潔曰：「阿母非生汝者，故如是。」潔泣以告。恭人、恭人與潔相抱哭。

戚姥慚遁去。自是家人無間言。將死召二子曰：「兒毋甘小成，忌大義。吾目瞑矣。」潔哭之，兩目盡腫流血。恭人慈益聞源以潔爲師友，并知名。

魏禧論曰：閨門之際難言矣。王僉事三娶皆賢婦，幸哉！然身立義教行門內，可以爲賢矣。當僉事巡北城時，自署名牙牌，并寶刀佩之，將趨帝宮道逢宮女四竄走，曰：「駕崩。」駕崩僉事拔佩刀自剄。老僕楊坤奪刀趣馬至金剛寺，諸兄弟咸來勸曰：「盍留身爲後圖。」而潔先匿寺中。僉事見潔遂不忍，其後僉事常流涕。

語人曰不意忽忽老至志無所成就吾甚慚吾魏恭人也。

門人黃之清曰敘三恭人皆以僉事作綱領却一毫不失賓主意法最老而筆筆簡潔字字有生氣未知史歐當此更復何如也。

門人梁份曰歐公嘗以後世事不及古人鈔不得如司馬子長爲序事之文然如此篇魏恭人固有烈節而徐蕭二恭人亦但家人行耳而文乃極工則歐公之言亦未爲定論也。


○○○秦節母家傳

嗚呼婦節之難也尚矣然烈婦多顯于世而節十不
及二三豈非以守貞者婦人之常耶天下惟常故治
反常則亂積常可至于聖人積反常雖躋躋不足極
其所至故書曰五常又曰若有恆性而或于常之中
遭其變變而不失其常雖史傳所紀載何以過焉三
原節母曰劉氏年十七繼室文學君甲祐六年而君
疾瘼又十年而卒時前子四符方九歲子四採一歲
節母艱難以教二子者三十年而後乃以壽終方君

之疾也。起居扶持唯節母是依倚。藥餌節母是問。閭
以內閭以外事皆一筦于節母。會遭寇亂。兵火接歲。
時雖偉丈夫當此左右支吾難矣。而節母以一婦人
身處其間。孫枝蔚曰。節母爲秦氏母。爲父爲師。爲秦
氏再興主。爲會督。爲秦氏禦侮之臣。魏禧曰。嗚呼。節
母可謂恆其德者矣。天下之人不能有常而節母變。
而愈常。則世之以節母爲奇行爲古之賢人。毋足怪
也。節母子採與禧交。節母之歿。採受命南行。不及視
含殮。每道其母德。則疾首痛心。終日哽涕而不能已。

禧哀夫孝子之志而益嘆其母之不可以無傳也。孫
曰母知書通內則孝經大義撫兄符愛有加爲娶婦
先後七人採出兄生事盡誠死盡哀幾滅性太母劉
嘗與諸婦會食獨指母謂曰汝善人天必報之以後
母訓二子曰年荒衆人之荒也學荒則吾兒之荒也
兵亂衆人之亂也心亂則吾一家之亂也。魏禧曰嗚
呼可以傳矣。作秦節母傳。

楊蘭佩曰議論敘事相間而爽氣淒響逼成奇格
如洞庭秋山隨波出沒



○○明太常寺少卿盧公傳

公名達字漸甫別號雲路江西寧都縣人萬歷癸酉
舉於鄉丁丑中式禮部授中書舍人改選吏科給事
中遷右給事中公爲人廉退靜儉不以一介求取於
人萬歷己丑公兄通會試禮部中乙榜第一鬱鬱不
得意卒於京師時公年甫四十父母皆在遂力請終
養部覆予告而已辛丑推經畧朝鮮兵部勘合自京
師十日至寧都以親老固辭辛亥吏部尚書孫公丕
揚特疏薦公稱論思獻納之地須用老成正直之人

推陞禮科左給事中再推戶科又推刑科都給事中
丙辰奉旨起尚寶司少卿並疏辭戊午吏部尚書鄭
公繼之特疏薦公奉旨下部敦促時年七十有四以
老疾固辭天啟壬戌起尚寶司正卿疏辭不允明年
科道撫按官交章薦公大學士葉公向高吏部尚書
趙公煥兵部尚書黃公嘉善詹事劉公一憬數十人
皆寓書勸駕以公輔相期公堅臥不起於是吏部尚
書趙公南星覆題曰盧達當引年之候堅易退之操
請遂高致加陞太常寺少卿致仕○以○上○總○叙○一○東○蓋公享年九十有

三官於朝者六年家食五十三年以清德聞天下天

下皆望其風云公爲舍人給事中時再奉命冊封魯

以下敕立廟

王周王二王皆贈千金不受公在吏科有重綸音酌

敘遷廣欽恤疏貢途發回操馬免征三省諸疏而建

國本安皇后疏言之尤切時科臣姜一麟亦上疏言

奉旨廷杖公疏獨不下明日再抗疏又不報蓋上

欲特全公也公辭尚寶少卿疏復曰願勅吏部速覆

出缺另選賢能以充任使今大僚多曠及散館待補

畱部待選者凡若干人而俞旨未下賢路久壅國家

多蔽邊裔生心皆緣朝宁空虛所致祈皇上推廣用
人之心不特一尚寶唯然又願皇上臨朝視政朝乾
夕惕畏天變恤民窮容納直言章奏隨下召見文武
諸臣講求禦邊之策益修內治庶太平可立奏時尚
寶卿熊公尚文寓書公曰近主上於邊關疏未嘗一
槩畱中唯起用林下諸賢往往十疏不得一報十數
年來唯門下一人朝奏夕可簡在可知矣公既家居
家居嘗終日立門外家奴不法者人輒得白公公遽笞之
繼其後家人有事於外每諱言公僕小民知公家人

每以公脅之總兵官有求佩將軍印偵兵部與公善
然莫敢屬公或令持黃金壽公封君封君設食召公
從容爲公言公默然駐箸淚下滴杯醢封君恥失言
於人怒拂衣入公隨跪戶外久之封君乃笑引公起
封君少推擇爲縣吏與僚吏魏氏善公旣貴見魏吏
皆傍坐隨行魏吏亦儼然以父執臨公公居湫隘子
弟屬所親請買蔡氏大宅公不禁曰吾一往觀之紆
道經董屋巷公問此何地曰是董尚書府公曰尚書
子孫居此者幾何人曰今巷路卽府廳事其子孫無

居者矣。公徐嘆曰：嗟乎！尚書府廳事爲大路，吾復何觀哉？乃遽還。初，公舉進士，往看禮部榜，遇同鄉下第者，見公神色閤然，遽曰：「今年主司大謬矣！如君與僕，且落第，不知中式，何等人？」公唯唯。久之，知公已得報，乃大驚，遙望而拜曰：「盧公德量如此，真吾師也！」

魏禧曰：禧爲童子，猶及從先徵君見公也。公白晢微髭，短而癯，善諷刺。同時縉紳有不義事，公嘗嘗出微言間以誒諧聞者，大慚。每歲公生日，士民各以其黨禱山川廟祀，小兒鬻豆餲者，亦相醺錢市糕餌獻。